



# MONTAGU

LAERSKOOL • PRIMARY SCHOOL

LANGSTRAAT, MONTAGU, 6720 • POSBUS / PO. BOX 10, MONTAGU, 6720  
TEL: (023) 614 1640 - FAKS / FAX: (023) 614 3963 • E-POS / E-MAIL: [monties@telkomsa.net](mailto:monties@telkomsa.net)

7 Mei 2021

## OB 11 – 2021: Algemene ouerbriëf

Beste Ouers

Die tweede kwartaal is aan die gang en ons leerders het sommer dadelik ingespring en hul kant gebring.

Ek wens elke leerder, ouer en opvoeder sterkte toe vir die kwartaal.

Me. Sonét Kloppers is vanaf eerskomende Maandag met kraamverlof. Ons wens haar alles van die beste toe en dat sy die tydjie by die huis saam met hul nuwe baba sal geniet. Me. Elna Nel sal die aflosonderwyseres in haar plek wees. Me. Nel het goeie ervaring en die oorgang na die nuwe opvoeder sal soomloos geskied.

13 Mei 2021 word Hemelvaart gevier. Die skool is gesluit vir die dag, sodat gesinne wat hierdie dag gedenk, die geleentheid daartoe het. Die kalender wat u ontvang het saam met die rapporte bly onveranderd, dus kom groep B skool toe op 14 Mei.

Die leerders dra nou wintersdrag en ek wil die ouers bedank vir hul samewerking, oor die algemeen is ons leerders korrek geklee en lyk hulle netjies. Leerders moet dasse dra, dit is deel van die verpligte wintersdrag. (Dasse word nie saam met sportdrag gedra nie). *Die kleredragreëls is in die huiswerkboekie op bl. 11-14.* Leerders mag steeds met sportdrag skool toe kom op die dae wat hulle sport oefen. Indien hulle bv. hokkie en netbal oefen, kan u besluit hoe hulle hul drag afwisselend aantrek.

Laatkom het die laaste weke van kwartaal 1 en hierdie week al meer begin kop uitsteek. Die hekke word om 7:05 oopgemaak, sodat personeel die leerders kan "screen". Die klok lui om 07:30 en dan moet alle leerders by die skool wees. Die hekke word dan gesluit en leerders wat laat is, moet dan by die hoofhek inkom en by ontvangs aanmeld.

In die middag moet die leerders asb betyds afgehaal word. Personeel is vir 15 minute na skool aan diens, u moet daarom asb. die leerders betyds afhaal, sodat hulle nie sonder toesig hoëf te wag nie.

Skryfbehoeftes: Dit is belangrik dat leerders elke dag die regte skryfbehoeftes by die skool het. Vra asb. u kind of hy/sy hul pennesakkies/-houers ingepak het. Gaan asb. die skryfbehoeftes deur en maak seker daar is voldoende penne, potlode, gom, 'n skêrtjie, kleurpotlode en die ander items wat op elke graad se lysie was.

Sport: Indien daar ouers is wat graag betrokke wil raak as hulpafrigters by die sport (tans netbal, rugby en hokkie), kan u gerus die skool telefonies kontak, 'n briefie in die huiswerkboek sit of 'n epos stuur na [monties@telkomsa.net](mailto:monties@telkomsa.net).

Montie-Mall: Ons is baie opgewonde oor dié projek wat weer volgende week afskop! Ons verkope is altyd goed en ek glo vanjaar gaan nie die uitsondering wees nie. U ontvang volgende week volledige inligtingsbriewe.

Die snoepie maak weer Maandag oop. Tot tyd en wyl Entrepreneursdae hervat word, sal die snoepie ook Vrydae oop wees.

Die moontlikheid van terugkeer van alle laerskoolleerders is wyd in die nuus gedeel oor die afgelope 2 weke. Ons het egter tot op hede geen terugvoer hieroor van die Nasionale Minister ontvang nie. Die WKOD en die personeel wil graag alle leerders terug hê by die skool.

Skooltye:

Die huidige skooltye is as volg:

	<b>Maandae, Woensdae en Vrydae</b>	<b>Dinsdae en Donderdae</b>
Gr. 1 - 3	07:30 – 13:00	07:30 – 13:15 Sport: 13:30 – 14:30
Gr. 4 - 7	07:30 – 14:00	07:30 – 13:15 Sport: 13:30 – 14:30
		2e pouse vir sportleerders: 13:15 – 13:30

Vriendelike groete

Jan Krüger  
**Skoolhoof**



Geborg deur:

**SPAR**   
**MONTAGU**

**VOIG ONS OP**  
**f sparmontagu**

☎ 023 614 3080